



左氏

十七十六

僖文

服部文庫
117
207
10



117
207
10



春秋左傳註疏卷第十七

僖二十九年
盡三十三年

晉杜氏註

唐孔穎達疏

經二十有九年春介葛盧來注介東夷國也在城陽黔

陬縣葛盧介君名也不稱朝不見公且不能行朝禮

雖不見公國賓禮之故書○介音界國名黔巨廉反
又音琴陬子侯反又側雷

反

公至自圍許注無傳

夏六月會王人晉人宋人齊人陳人蔡人秦人盟于翟

春秋左傳

卷之二十七

及古同

泉

翟泉今洛陽城內大倉西南池水也魯侯諱盟

天子大夫諸侯大夫又違禮盟公侯王子虎違禮下

盟故不言公會又皆稱人

○翟直歷反大倉音泰

說稱人。正

義曰傳曰卿不書罪之也在禮卿不會公侯唯言諸侯之卿會魯君罪耳不言罪魯侯與子虎知其亦有罪者襄二十六年公會晉人鄭良霄宋人曹人于澶淵彼為趙武敵公貶之稱人而文不沒公此沒公不書明公別有罪五年公及齊侯宋公云云會王世子于首止王世子不盟也九年公會宰周公云云于葵丘宰周公不盟也往年踐土之會王子虎盟諸侯于王庭宣七年黑壤之會王叔桓公臨之王之公卿皆不與諸侯共盟則知諸侯不合盟王臣王臣不合與於盟今王子虎亦貶稱人知魯侯諱盟天子大夫故沒公不書也王子虎違禮下盟故貶稱人

秋大雨雹

○雨于付反傳同雹蒲學反

冬介葛盧來

傳二十九年春介葛盧來朝舍于昌衍之上

東南有昌平城○衍以善反公在會饋之芻米禮也

公行不當致饋故曰禮也○饋其媿反芻初俱反

周禮掌客天子待諸侯之禮上公饗餼九牢饗五牢餼四牢車禾視死牢牢十車則禾五十車車米視生牢牢十車則米四十車侯伯饗餼七牢禾四十車米三十車子男饗餼五牢禾三十車米二十車芻薪皆倍禾也聘禮卿饗餼五牢禾米與子男同其附庸執帛與公之孤同則饗餼亦五牢禾三十車米二十車芻薪倍禾則此饋之芻米芻六十車米二十車○夏公會王子虎晉狐偃宋

公孫固齊國歸父陳轅濤塗秦小子憖盟于翟泉尋踐土之盟且謀伐鄭也

微者秦小子憖在蔡下者若宋向戌之後會

桃憖魚覲反且謀伐鄭正義曰晉侯受命鄭伯向式亮反

之狀而此會謀伐鄭者文公昔嘗過鄭鄭不禮焉城濮戰前鄭復如楚雖以楚敗之後畏威來會晉侯以大義受之內實懷恨此會鄭人不至必有背晉之心故謀伐之也晉語城濮戰下稱文公誅觀狀以伐鄭及其陟鄭人以名實行成公不許得叔詹將亨而舍之左傳無伐鄭之事蓋溫會以後已嘗伐鄭鄭至今未服故此會謀伐明年遂與秦雨之傳曰且貳於楚也楚鄭自知負晉故有二心也

正義曰經若貶卿稱人傳則言其名氏若傳無名氏則本是微人此經書蔡人而傳無名氏此是實蔡之

微者秦是大國小子憖名見於傳而在蔡微者之後若宋向戌之後會也襄二十六年公會晉人鄭良霄宋人曹人于澶淵傳曰趙武不書尊公也向戌不書後也鄭先宋不失所也宋是大國常在鄭先向戌既以會公貶又以後至退其班使在鄭下此小子憖既以會公貶又退之在蔡下若彼宋向戌之後會也然向戌後會傳為發之經書良霄以駁向戌之後今小子憖既後會傳不為發又不書蔡人之名以駁之者但秦辟陋西戎未同中國蔡人又蔡之微者不合書名故傳不發之經不貶責也公孫固序在齊上者蓋為大司馬尊於歸父歸父雖執齊政不廢身齊上卿如管仲之類猶文十七年陳公孫寧襄二十七年陳孔奐皆序在衛下杜

翼戴天子諸侯輯睦王室無虞而王子虎下盟列國以瀆大典諸侯大夫上敵公侯虧禮傷教故貶諸大

卿不書罪之也晉侯始霸

夫諱公與盟。○輯音集又七入反。瀆徒木反。上時掌反。又如字與音預。在禮。卿不

會公侯。會伯子男可也。○大國之卿當小國之君。故

可以會伯子男。諸卿之見貶亦兼有此闕。故傳重發

之。○重直。傳。叔孫姑曰。列國之卿當小國之君。固

周制也。是其可以會伯子男也。諸卿見貶兼有此闕

謂諸卿既上盟。天子大夫又上敵公侯。故云兼案杜

上註。經云諸侯大夫違禮盟公侯。又註傳云諸侯大

夫上敵公侯。則是唯責諸侯大夫。上敵公侯不責上

盟。天子之使而言兼有此闕者。以魯君上盟天子之

使已諱而不書。則諸侯之臣罪在可悉。故傳云卿不

書罪之。畧言其事。故杜經傳二註。唯言敵公侯不云

盟。王使以其可知。故也。劉炫以為直責其敵公侯不

責其盟。王使以規杜氏。必如劉義。則是君盟王使。乃

為有罪。臣盟王使。讎無貶責。便是君臣易位。尊卑失

序。聖人垂訓。豈若是乎。○秋大雨雹為災也。○冬介葛盧來以

未見公。故復來朝。禮之加燕好。○燕燕禮也好。好貨

也。一歲再來。故加之。○復扶又反。好呼報反。下同。介葛盧聞牛鳴

曰。是生三犧。皆用之矣。其音云。問之而信。○傳言人

聽或通鳥獸之情。○犧許。傳言至之情。○正義

貉隸掌與獸言。鄭司農云。夷狄之人。或曉鳥獸之言。

鄭玄云。夷隸征東夷所獲。貉隸征東北夷所獲。然則

介葛盧是東夷之國。其土俗有知者。故介葛盧曉之。

經三十年春王正月。夏狄侵齊。

春秋左傳卷之二十一

及古

註

秋衛殺其大夫元咺及公子瑕咺見殺稱名者訟君

求直又先歸立公子瑕非國人所與罪之也瑕立經

年未會諸侯故不稱君咺既稱名故知以訟君立

瑕為咺之罪狀春秋之世諸侯雖篡弑而立已列於

會雖復見弑即成爲君齊商人蔡侯班之屬是也瑕

立雖已經年未會諸侯故不稱君既不成君即與元

咺同爲國討之辭元咺先死故稱及也瑕若成君當

據周書治厘爲文書曰衛弑其君瑕衛侯鄭歸于衛魯爲之請故從

諸侯納之例例在成十八年偽反

晉人秦人圍鄭晉軍函陵秦軍汜南各使微者圍鄭

故稱人函音咸汜音凡傳同

介人侵蕭無傳

冬天王使宰周公來聘周公天子三公兼冢宰也兼

如字又公子遂如京師遂如晉如京師報宰周公

傳三十年春晉人侵鄭以觀其可攻與否狄間晉之

有鄭虞也間間夏狄侵齊齊晉與國○晉侯使

醫衍酖衛侯衍醫名晉侯實怨衛侯欲殺而罪不

及死故使醫因治疾而加酖毒衍以善

正義曰周禮大司馬以九伐之法正邦國賊殺其

親則正之鄭玄云正之者執而治其罪王霸記曰正

殺之也春秋僖二十八年晉人執衛侯歸之于京師

坐殺其弟叔武如鄭彼言則衛侯合死而云罪不及

春秋

卷之二十一

法古

死者衛侯之心疑叔武耳前驅歆犬卜君意而殺之非衛侯命殺也公知其無罪枕股而哭又命殺歆犬是則殺非公意也故不至死若然則是衛侯無罪而往年衛侯與元咺訟衛侯不勝殺士榮則鍼莊子者用讒疑賢弟兪盟先期入是衛侯之罪也罪不合死而晉侯心怨欲得殺之故使醫因治疾而加醜毒若不治疾不得使醫故知因治疾也魯語云晉人執衛成公歸之于周使醫醜之不死醫亦不誅臧文仲言於僖公曰夫衛君殆無罪矣今晉侯醜衛侯而不死亦不誅其使者諱而惡殺之也是罪不合死之事也甯兪貨醫使薄其醜不死甯兪視衛侯衣食故得知之公為之請納玉於王與晉侯皆十穀王許之

雙玉曰穀公本與衛同好故為之請
○公為于偽反
 註同穀音角好

秋乃釋衛侯
○呼報

衛侯使賂周歆治厯曰苟能納

我吾使爾為卿

註

恐元咺距已故賂周冶

○歆市專反治音也

厯音覲又音謹人名也漢書音義云音覲字也鄭氏音勤

周冶殺元咺及子適子

儀

子儀瑕母弟不書殺賤也

○適丁歷反

公入祀先君

周冶既服將命

註

服卿服將入廟受命

註

服卿至受命○正

義曰言祀先君而服將命知其將入廟也必入廟者祭統云古者明君爵有德而祿有功必賜爵祿於大廟示不敢專也命臣必在廟而王制云爵人於朝者朝上詢於衆人位定然後入廟受命今世受官猶然

周歆先入及門遇疾而死治厯辭卿
見周歆死而

懼
○九月甲午晉侯秦伯圍鄭以其無禮於晉
文

公亡過鄭鄭不禮之
○過古禾反

且貳於楚也晉軍函陵

春秋

卷之二十一

法古

左氏卷之十七僖三十年傳夜逾而出三夏又總文偽反百曆翻刻和刊見本作總直類反

秦軍汜南

此東汜也。在榮陽中牟縣。

正義曰

此東汜也。

劉炫云二十四年王出適鄭處于汜。注云鄭南汜也。釋例土地名僖三十四年汜下云此南汜也。周王出居于汜。楚成鄭師于汜。襄城縣南汜城是也。此年汜下云此東汜也。秦軍汜南。晉伐鄭師于汜。榮陽中牟縣南汜澤是也。杜考按既精當。不徒爾。尋討傳云未見杜意。

國危矣。若使燭之武見秦君師必退。

佚之狐

燭之武皆鄭大夫。

武皆鄭大夫。

音逸

公從之。辭曰：臣之壯也，猶不如人。

今老矣，無能為也已。公曰：吾不能早用子，今急而求

子，是寡人之過也。然鄭亡，子亦不利焉。許之。夜縋

而出。

縋，縣城而下。

反縣音玄。

見秦伯曰：秦晉圍鄭。

鄭既知亡矣，若亡鄭而有益於君，敢以煩執事。

事亦謂秦越國以鄙遠，君知其難也。

秦邊邑，則越晉而難保焉。用亡鄭以倍鄰，倍益也。

道主行李之往來，共其乏困。

行李使人。

君亦無所害，且君嘗為晉君賜矣，許君焦瑕。

行人使。

君亦無所害，且君嘗為晉君賜矣，許君焦瑕。

行人使。

朝濟而夕設版焉君之所知也晉君謂惠公也焦

瑕晉河外五城之二邑朝濟河而夕設版築以距秦

言背秦之速朝如字註同夫晉何厭之有既東封

鄭又欲肆其西封封疆也肆申也疆古良反若

不闕秦將焉取之不闕秦焉取之正義曰沈云

取秦先謀取鄭言滅秦不闕秦家更何處取之言有心

說與鄭人盟使杞子逢孫楊孫戍之乃還三子秦

大夫反為鄭守說音悅子犯請擊之公曰不可微

夫人之力不及此請擊秦也夫人謂秦穆公

因人之力而做之不仁失其所與不知以亂易整

不武秦晉和整而還相攻更為亂也吾其還

也亦去之初鄭公子蘭出奔晉蘭鄭穆公從於

晉侯伐鄭請無與圍鄭許之使待命于東晉東界

人許之與鄭石甲父侯宣多逆以為大子以求成于晉

公閱來聘饗有昌歠白黑形鹽昌歠昌蒲菹白熬

稻黑熬黍形鹽鹽形象虎閱音悅歠在感反菹

昌歠至象虎正義曰昌歠饗之所設必是籩豆

之實周禮醢人朝事之豆其實有昌本糜藿鄭玄云

昌本昌蒲根切之四寸為菹彼昌本可以為菹知此昌歌卽是昌蒲菹也齊有那歌魯有公甫歌其音為觸說文云歌盛氣怒也從欠蜀聲此昌歌之音相傳為在感反不知其字與彼為同為異徧檢書傳昌蒲之草無此別名未知其所由也此云白黑下云嘉穀穀之白黑唯稻黍為然下云鹽虎形知其形象虎也

辭曰國君文足昭也武可畏也則有備物之饗以象其德薦五味羞嘉穀鹽虎形
嘉穀熬稻黍也以象其文也鹽虎形以象武也以獻其功吾何以堪之

國
辭曰至堪之。正義曰周禮掌客王巡守百官從者所過之國共其積膳三公賦十公之禮卿賦侯伯之禮大夫賦子男之禮宰周公是天子三公其主國待之當尊於國君但周公自謙不敢當此國君耳既云備物之饗以象其德及說備物之下卽云以獻其功功德互見之耳獻其功者獻謂呈見旌表之也備設

以象德薦獻以見功故象獻分配為文

○東門襄仲將聘于周遂初聘

于晉

公既命襄仲聘周未行故曰將又命自周聘

晉故曰遂自入春秋魯始聘晉故曰初

公既至曰初。正義曰經書實行之事傳說將命之初故云命之將聘于周未行又命之遂聘于晉令其從周卽去更不迴也賈服不曉傳意解為先聘晉後聘周故杜詳說之

經三十有一年春取濟西田

晉分曹田以賜魯故不繫曹不用師徒故曰取

繫曹不用師徒故曰取

晉分至曰取。正義曰濟西之田實是曹地晉文

分以賜魯故不繫於曹不繫晉者晉本意賜諸侯不為已有故亦不繫晉也昭四年傳例曰凡克邑不用師徒曰取取田取邑義亦同也

公子遂如晉

夏四月四卜郊不從乃免牲

龜曰卜不從不吉也卜

郊不吉故免牲免猶縱也

龜曰至縱也。正義曰龜曰卜曲禮文也洪

範稽疑云龜從筮從謂從人之心也人心欲吉不從是不吉也卜郊不吉不復為郊牲無所用故免牲免猶縱放不殺之也穀梁傳曰免牲者為之緇衣纁裳有司玄端奉送至于南郊免牛亦然左傳無說其事或然也桓五年傳例曰凡祀啓蟄而郊啓蟄周之三月也今於夏四月卜郊者傳舉節氣有前有却但使春分未過仍得為郊故四月得卜郊也故釋例曰凡十二月而節氣有二十四共通三百六十六日分為四時間之以閏月故節不必得恒在其月初而中氣亦不得恒在其月之半是以傳舉天宿氣節為文而不以月為正僖公襄公夏四月卜郊但譏其非所宜卜而不譏其四月不可郊也孟獻子曰啓蟄而郊郊

因

而後耕耕謂春分也言得啓蟄當卜郊不得過春分耳是言四月得郊也周禮太宰職云祀五帝前期十日帥執事而卜日然則將祭必十日之前豫卜之也言四卜郊者蓋三月每旬一卜至四月上旬更一卜乃成爲四卜也此言四卜郊不從襄七年三卜郊不從公羊傳曰曷為或言三卜或言四卜三卜禮也四卜非禮也三卜何以禮求吉之道三今左傳以為禮不卜常祀則一卜亦非不云四非而三異於公羊說猶三望三望分野之星國中山川皆郊祀望而

祭之魯廢郊天而修其小祀故曰猶猶者可止之辭。分扶。三望至之辭。正義曰公羊傳曰三望問反。三望者何望祭也然則曷祭祭泰山河海鄭玄以為望者祭山川之名諸侯之祭山川在其地則祭之非其地則不祭且魯竟不及於河禹貢海岱及淮惟徐州徐即魯地三望謂淮海岱也賈逵服虔以為三望分野之星國中山川今杜亦從之以襄九年傳

曰陶唐氏之火正闕伯居商丘祀大火相土因之故
 商主大火昭元年傳云辰為商星參為晉星楚語云
 天子徧祀羣神品物諸侯二王後祀天地三辰及其
 土地之山川註國語者皆云諸侯二王後祀天地三
 辰日月星也非二王後祀分野星辰山川也以此知
 三壘分野之星國內山川其義是也昭七年夏四月
 甲辰朔日有食之於時夏之二月日在降婁傳稱去
 衛地如魯地於十二次豕韋衛地降婁魯地魯祭分
 野之星其祭奎婁之神也此三壘者因郊祭天而望
 祭之於法不獨祭也魯既廢郊天而獨修小祀故曰
 猶公羊穀梁皆云
 猶者可止之辭

秋七月

冬祀伯姬來求婦

無傳

自為其子戊祀

偽為干

狄圍衛十有二月衛遷于帝丘

辟狄難也

帝丘今東

許

郡濮陽縣故帝顓頊之虛故曰帝丘

○難乃旦反顓

虛起

辟狄至帝丘

○正義曰傳稱狄圍衛衛遷

魚反于帝丘蓋有險阻可以辟狄難也釋例曰帝

丘故帝顓頊之虛故曰帝丘昆吾氏因

之故曰昆吾之虛東郡濮陽縣是也

傳三十一年春取濟西田分曹地也

二十八

文討曹分其地竟界未定至是乃以賜諸侯

首境使

臧文仲往宿於重館

○重直龍反註同

重館人告曰晉新得諸侯必親其

共不速行將無及也從之分曹地自洮以南東傳于

濟盡曹地也

文仲不書請田而已非聘享會同也

濟水自滎陽東過魯之西至樂安入海○洮吐刁反

忍反樂○重館至曹地也正義曰魯語說此事云

請曰地之多重館人之力也臣聞之曰善有章雖賤

襄仲如晉拜曹田也○夏四月四卜郊不從乃免牲

非禮也○諸侯不得郊天魯以周公故得用天子禮

樂故郊為魯常祀○諸侯至常祀正義曰明堂

位以治天下制禮作樂七年致政於成王成王以周

禮樂是以魯君孟春乘大輅載弧韜旂十有二旒日

公之故得用天子禮樂天子命之則為常祀故郊為

魯之常祀也記言正月謂周正建子之月與傳啓蟄

而郊其月不同禮記是後○猶三望亦非禮也禮不卜

常祀○必其時而卜其牲日卜牲與日知吉凶牛

卜日曰牲○既得吉日則牛改名曰牲既得至

義曰卜云卜其牲日則牲之與日俱卜之也○必當先

卜牲而後卜日卜得吉日則改牛為牲然則牛雖卜

吉未得稱牲牲是成用之名不吉日不為牲更卜吉

凶明知卜牛在卜日之前也此言免牲是已得吉日

牲既成矣成七年乃免牛○牲成而卜郊上怠慢也

怠於古典漫瀆龜策望郊之細也不郊亦無望可也

○秋晉蒐于清原作五軍以禦狄○二十八年晉作

三行今罷之更為上下新軍河東聞喜縣北有清原

春秋左傳

卷之二十一

禮記

上

○行戶 趙衰為卿 二十七年命趙衰為卿讓於欒

枝今始從原大夫為新軍帥類所趙衰為卿正義曰晉語

云文公命趙衰為卿讓於欒枝先軫後又使為卿讓

於狐偃狐毛卒又使為卿讓於先且居公曰趙衰三

讓其所讓皆社稷之衛也廢讓是廢德也以趙衰故

蒐于清原作五軍使趙衰將新上軍箕鄭佐之胥嬰

將下軍先都佐之如彼文正謂趙衰作五軍故特言

趙衰為卿以見之於時舊三軍之將佐先軫將中軍

卻縠佐之先且居將上軍狐偃佐之欒 ○冬狄圍衛

枝將下軍胥臣佐之國語有其文也

衛遷于帝丘卜曰三百年案史記衛世家及年表

衛從此年以後歷十九君積四百二十年衛元君乃

徙于野王元君卒子角代立秦滅衛廢角為庶人

衛成公夢康叔曰相奪于享相夏后啓之孫居帝

丘享祭也亮反註及下同夏戶雅反下同夏至

祭也○正義曰夏本紀禹生啓啓生太康及仲

康仲康生相是為啓之孫也周禮祭人鬼曰享公命

祀相甯武子不可曰鬼神非其族類不歆其祀歆

猶饗也欽許杞郕何事言杞郕夏後自當祀相

相之不享於此久矣非衛之罪也言帝丘久不祀

相非衛所滅不可以間成王周公之命祀諸侯受

命各有常祀問問請改祀命改祀相之命

祀相之命○正義曰昭七年傳稱晉居夏虛祀鯀而

晉侯疾瘳此衛居帝丘而不合祀相者祭法云鯀障

洪水而殛死載在祀典傳稱實為夏郊三代祀之周

室既衰晉為盟主當代天子祭絕祀之神故祭鯀為

止為

卜

得禮相無功德於民惟當子孫自祭○鄭洩駕惡公

故稱祀鄆何事非衛之罪與○鄭洩駕惡公

子瑕鄭伯亦惡之故公子瑕出奔楚○瑕文公子傳

為納瑕張本洩駕亦鄭大夫隱五年洩駕距此九十

年疑非一人○惡烏路

經三十有二年春王正月○捷在

夏四月己丑鄭伯捷卒○無傳文公也三同盟

○捷在文公也三同盟○正義曰經無其葬故言其諡

○捷在也捷以莊二十二年即位至此與魯十餘同盟言

三同盟者但杜數同盟不例若同盟少者數先君之

盟或數大夫之盟或數經不書盟而傳載盟者若同

盟多者唯數今君或就今君之中數其大會盟之顯

著者此言三同盟者皆據王臣臨盟則八年盟于澠

九年于葵丘二十八年于踐土是

也劉炫不尋杜意而規其謬非也

衛人侵狄○報前年狄圍衛

秋衛人及狄盟○不地者就狄廬帳盟

○廬力於反不地至帳盟○正義曰會狄于攢函言地今不言

地故云就廬帳盟廬帳即是狄人所居之處上云衛

人侵狄及狄盟猶若公如晉及晉侯盟是指其所居

之處故不言地劉炫云春秋時戎狄錯居中國此狄

無國都處所直云及狄盟盟於狄之處也此

狄俗逐水草無城郭宮室故云就廬帳盟

冬十有二月己卯晉侯重耳卒○同盟踐土翟泉

傳三十二年春楚鬬章請平于晉晉陽處父報之晉

楚始通○陽處父晉大夫晉楚自春秋以來始交使

命為和同。○使所 吏反 ○夏狄有亂，衛人侵狄，狄請平焉。

○秋，衛人及狄盟。○冬，晉文公卒，庚辰，將殯于曲沃。

殯，窆棺也。曲沃有舊宮焉。○窆彼驗反 一本作塗 殯窆

○正義曰：周禮鄉師職云：大喪及葬，與匠師御柩及窆，執斧以蒞匠師。昭十二年傳曰：月中而崩，禮記皆

作封，封崩窆聲相近，而字改易耳。皆謂葬時下棺之名也。殯則擯置於西序，亦是下棺於地，故殯為窆棺也。晉武公自曲沃而兼晉國，曲沃有舊時宮廟，故公

卒而往殯焉。禮諸侯五日而殯，案經文以巳卯卒，庚辰是卒之明日，即將殯者，以曲沃路遠，故早行耳。禮

在牀，曰尸在棺，曰柩。下云柩有聲，明是斂於棺而後

行也。出絳，柩有聲如牛。**如牛**，响聲也。柩其救反，禮云

柩响呼也。口反。卜偃使大夫拜曰：君命大事，將有西師，過軼

我擊之，必大捷焉。**聲**，自柩出，故曰君命大事，戎事

也。卜偃聞秦密謀，故因柩聲以正衆心。○過古禾反 又音逸

杞子自鄭使告于秦。**三十年**，秦使大夫杞

子戍，鄭曰：鄭人使我掌其北門之管。**管籥**也。○籥若

反。若潛師以來，國可得也。穆公訪諸蹇叔，蹇叔曰：勞

師以襲遠，非所聞也。**蹇叔**，秦大夫。○蹇紀 輦反 師勞力

竭，遠主備之，無乃不可乎？師知所為，鄭必知之，勤而

無所，必有悖心。**將**，害良善也。○悖必 內反 且行千里，其誰

不知，公辭焉。**辭**，不受其言。召孟明、西乞乙，使出

師於東門之外孟明百里孟明視西乞術白

乙白乙丙孟明至乙丙正義曰世族譜以百里孟明視為百里奚之子則姓百里名

視字孟明也古人之言名字者皆先字後名而連言之其術丙必是名西乞術白乙丙或字或氏不可明也譜

云或以為西乞術白乙丙為蹇叔子案傳稱蹇叔之子與師言其在師中而已若是西乞術白乙丙則為將帥

不得云與也或說蹇叔哭之曰孟子吾見師之出而必妄記異聞耳

不見其入也公使謂之曰爾何知中壽中壽正義曰上壽

百二十歲中壽百下壽八十爾墓之木拱矣合手曰拱言其過

老悖不可用孟子本或作孟今壽音授又如字拱九勇反蹇叔之子與師

哭而送之曰晉人禦師必於殺殺在弘農澠池縣

與師音預有

土

西殺本又作嶠戶交反劉昌宗音豪澠縣善反又縣忍反與芋恕反殺在二陵焉正義曰釋地云高平曰

大阜曰陵陸大阜曰陵正義曰釋地云高平曰陸大阜曰陵李巡曰高平謂

王地豐正名為陸大陸謂土地高大名曰阜阜最高大為陵其南陵夏后臯之墓

也夏本紀文桀父名發桀名履癸其北陵文王之所辟風雨也此

道在二殺之間南谷中谷深委曲兩山相欹故可以

辟風雨古道由此魏武帝西討巴漢惡其險而更開

北山高道辟音避谷古木反又音欲欹許金反又音欽本或作嵐力舍反惡鳥路反

此道至高道正義曰此道見在殺是山名俗呼為土殺石殺其阨道在兩殺之間山高而曲兩山參

水火

卷之七十六

殺古

差相映其下雨所不及故可以辟風雨也公羊傳曰
蹇叔送其子而戒之曰爾即死必於殺之嶽巖是文
王之所辟風雨者也此註言兩山相嶽故可以辟風
雨者杜氏此言或取公羊之意嶽字蓋從山但嶽巖
是山之貌而云相嶽文亦不順未能審杜意也何休
云其處險阻隘勢一人可要百故文王過之驅馳常
若辟風雨必死是間以其深險故余收爾骨焉秦師遂

東為明年晉敗秦于殽傳偽為千

經三十有三年春王二月秦人入滑滅而書入不能

有其地

齊侯使國歸父來聘

夏四月辛巳晉人及姜戎敗秦師于殽晉侯諱背喪

騎一作倚可從

用兵故通以賤者告姜戎姜姓之戎居晉南鄙戎子

駒支之先也晉人角之諸戎倚之不同陳故言及背

音佩倚居綺反陳直觀反晉侯至言及正義曰杜以諸侯

賤者告也襄十四年傳戎子駒支自陳此事云謂我

諸戎四嶽之裔胄且此云姜戎知是姜姓之戎也角

癸巳葬晉文公

狄侵齊

公伐邾取訾婁

春秋左傳卷之二十一 襄公二十八年 秋公子遂帥師伐邾

晉人敗狄于箕

註太原陽邑縣南有箕城卻缺稱人者

未為卿

○訾子斯反

○案傳

晉侯親兵先軫死敵則將帥

非卻缺也而稱人者晉諱而以微人告今知不然者以戰于穀文公未葬故諱其背殯用兵此則文公既葬之後於禮得從戎事又敗狄有功又何恥諱而以微者告故杜云卻缺稱人未為卿劉以晉侯稱人同於殺諱而規杜氏非也

冬十月公如齊十有二月公至自齊

乙巳公薨于小寢

註

小寢內寢也乙巳十一月十二日

經書十二月誤

隕霜不殺草李梅實

註

無傳書時失也周十二月今九月

月霜當微而重重而不能殺草所以為災

○隕于敏反

註書時至為災。正義曰此在十二月下杜以長歷按之乙巳是十一月十二日謂經十二月為誤遂以此經四事皆為十一月夏之九月霜不應重重又不能殺草所以為災也此云隕霜不殺草定元年冬十月隕霜殺菽穀梁傳曰未可以殺而殺舉重可殺而不殺舉輕其意言菽重草輕也

晉人陳人鄭人伐許

傳三十三年春秦師過周北門左右免胄而下

城之北門胄兜盞兵車非大將御者在中故左右下

御不下

○胄直救反兜丁侯反

註

正義曰成二年傳

春秋左傳

卷之二十一

襄公二十八年

晉解張御郤克鄭丘緩為右張侯曰矢貫予手及肘左輪朱殷傷手而血染左輪是御者在左大將居中宣十二年傳稱楚許伯御樂伯攝叔為右樂伯云左射以菽是射在左而御在中也鄭玄詩箋云兵車之法左人持弓右人持矛超乘者三百乘王孫滿中人御車故左右下御不下
尚幼觀之言於王曰秦師輕而無禮必敗
謂過天子門不卷甲束兵超乘示勇
乘繩證反下及註皆同輕遣政反下同
謂過至示勇。正義曰服虔云無禮謂過天子門不卷甲束兵而但免胄呂氏春秋說此事云師行過周王孫滿曰過天子之城宜卷甲束兵左右皆不然則過天子門當卷甲束兵必古有此禮或出司馬兵法其書既亡未見其本
輕則寡謀無禮則脫
脫易也。脫他未見其本
以鼓入險而脫又不能謀能無敗乎及滑鄭商人弦

高將市於周遇之以乘韋先牛十二犒師
商行賈也乘四韋先韋乃入牛古者將獻遺於人必有以先之。先悉薦反註有以先之同
犒若報反賈音古遺唯季反
正義曰周禮太宰以九職任萬民六曰商賈阜通貨賄鄭玄云行曰商處曰賈易云商旅不行是商行賈坐而言行賈者相形以曉人也乘車必駕四馬因以乘為四名禮言乘矢謂四矢此言乘韋謂四韋也遺人之物必以輕先重後故先韋乃入牛老子云雖有拱璧以先四馬不如坐進此道是古者將獻饋必有以先之
曰寡君聞吾子將步師出於敝邑敢犒從者不腆敝邑為從者之淹居則具一日之積
腆厚也淹久也積芻米菜薪
步師步猶行也從才用反下同腆他典反為于為反下為吾子同積子賜反註同

遠其據反補駟
傳張戀反

秣音末穀馬也說文
作秣云食馬穀也補

禮 腆厚至菜薪。正義曰：腆，厚淹久。經傳常訓也。周禮大行人云：王待諸侯之禮，上公五積，侯伯四積，子

男三積，積皆謂米禾芻薪。知此亦然。案掌客：上公五積，皆視餐牽。鄭註云：餐牽，謂牽牲以往不殺也。亦有

米禾芻薪。鄭又註云：上公餐五牢，米二十車，禾三十車。侯伯四牢，米禾皆二十車。子男三牢，米十車，禾二十

十車。芻薪皆倍其禾積。既得餐，則米禾芻薪與餐同。行則備一夕之衛，且使遠

告于鄭。遠傳車。遠傳也。孫炎曰：傳車，驛馬也。

鄭穆公使視客館。視秦三大夫之舍，則束載厲兵

秣馬矣。嚴兵待秦師，使皇武子辭焉。曰：吾子淹久

於敝邑，唯是脯資餼牽竭矣。資糧也。生曰：餼，牽謂

牛羊豕。餼，許氣反。牲腥。資糧，至羊豕。正義曰：聘禮，歸餐饗餼五生。

圃

餌一牢，腥二牢。餼二牢，以餌是熟肉，腥是生肉。知餼是未殺，故云生曰餼。牛羊豕可牽行，故云牽謂牛羊

也。為吾子之將行也。示知其情。鄭之有原圃，猶秦

之有具圃也。原圃，具圃皆圃名。圃，布。具圃，皆圃名。正義曰：下註云：中牟縣西有圃田澤，則原圃地名，以其地為圃，知與具圃皆圃名也。圃者，所以養禽獸，故令自取其麋鹿焉。天子曰苑，諸侯曰圃。吾子取其麋鹿以間敝邑。若

何。使秦戌自取麋鹿以為行資，令敝邑得閒暇。若

何猶如何。滎陽中牟縣西有圃田澤。麋，亡悲反。閒，音閑。註同。令力

呈。杞子奔齊，逢孫楊孫奔宋。孟明曰：鄭有備矣，不可

冀也。攻之不克，圍之不繼，吾其還也。滅滑而還。齊

賄

國莊子來聘自郊勞至于贈賄禮成而加之以敏

迎來曰郊勞送去曰贈賄敏審當於事○勞力報反

反當丁浪近郊君使卿朝服用束帛勞及聘事皆

畢乃去賓遂行舍於郊公使卿贈藏文仲言於公曰

國子為政齊猶有禮君其朝焉臣聞之服於有禮社

稷之衛也○為公如齊傳晉原軫曰秦違蹇叔而

以貪勤民天奉我也○奉與也奉不可

失敵不可縱縱敵患生違天不祥必伐秦師樂枝曰

未報秦施而伐其師其為死君乎○言以君死故忘

秦施○縱子用反下同施先軫曰秦不哀吾喪而伐

吾同姓秦則無禮何施之為○言秦以無禮加已施

不足顧吾聞之一日縱敵數世之患也謀及子孫可

謂死君乎○言不可謂背君遂發命遽興

姜戎子墨衰經○晉文公未葬故襄公稱子以凶服

從戎故墨之○衰七雷反梁弘御戎萊駒為右○萊

夏四月辛巳敗秦師于殽獲百里孟明視西乞術

白乙丙以歸遂墨以葬文公晉於是始墨○後遂常

以為俗記禮所由變文嬴請三帥○文嬴晉文公始

適秦秦穆公所妻夫人襄公嫡母三帥孟明等音盈

帥所類反註同妻七計反嫡丁歷反曰彼實搆吾二君寡君若得而食

之不厭君何辱討焉使歸就戮于秦以逞寡君之志

若何公許之先軫朝問秦囚公曰夫人請之吾舍之

矣先軫怒曰武夫力而拘諸原婦人暫而免諸國

暫猶卒也厭於豔反又於鹽反戮音六逞敕領反拘音俱卒寸忽反墮軍實而

長寇讎亡無日矣墮毀也長丁丈反不顧而唾

公使陽處父追之及諸河則在舟中矣釋左驂以公

命贈孟明欲使還拜謝因而執之唾他臥反驂七南反孟

明稽首曰君之惠不以纍臣纍鼓纍囚繫也殺人

以血塗鼓謂之纍鼓纍力追反纍計觀反使歸就戮于秦寡

君之以為戮死且不朽若從君惠而免之三年將拜

君賜意欲報伐晉秦伯素服郊次待之於郊鄉

師而哭曰孤違蹇叔以辱二三子孤之罪也不替孟

明孤之過也大夫何罪且吾不以一眚掩大德眚

過也鄉許亮反替他計反眚所景反掩於檢反狄侵齊因晉喪也○公

伐邾取訾婁以報升陘之役在二十二年邾人不

設備秋襄仲復伐邾魯亦因晉喪以陵小國扶又

部一作狄

反 ○狄伐晉及箕八月戊子晉侯敗狄于箕郤缺獲

白狄子音基白狄狄別種也故西河郡有白部胡

種章郤缺獲白狄子○正義曰宣十五年晉師滅赤狄潞氏以潞子嬰兒歸彼書於經而此不

書者蓋畧賤之不以告也先軫曰匹夫逞志於君謂不顧而唾

而無討敢不自討乎免胄入狄師死焉狄人歸其元

言其有異於人初臼季使過冀見

冀缺耨其妻饁之白季胥臣也冀晉邑耨鋤也野

饋曰饁○曰其九反使所吏反過古禾反又古臥反耨乃豆反鉏田也饁于輒反字林于劫反鋤

本又作鉏仕居反饋其位反餉也臼季至曰饁○正義曰世本云垂作耨釋器云斲斲謂之定

柄

殺

殺

李巡曰鋤也廣雅云定謂之耨呂氏春秋云耨柄尺

此其度也其耨六寸所以間稼也高誘註云耨耘苗

也六寸所以入苗間也釋名云耨鋤嫗嫗

禾也釋詁云饁饋也孫炎曰饁野之饋也敬相待如

賓與之歸言諸文公曰敬德之聚也能敬必有德德

以治民君請用之臣聞之出門如賓如見大賓承

事如祭常謹敬也仁之則也公曰其父有罪可乎

缺父冀芮欲弑文公在二十四年○芮如銳反弑音試或如字

對曰舜之罪也殛鯀其舉也興禹禹絲子○殛紀力反誅

也鯀古木反禹父也管敬仲桓之賊也實相以濟康誥曰父不

慈子不祗兄不友弟不共不相及也康誥周書祗

時

敬也

○實相息亮反不共音恭

詩

康誥至及也。正義曰：此雖言直引康誥之意耳，非康誥之全文也。彼云：子弗祗服厥父事，大傷厥考心。于父不能字厥子，乃疾厥子。于弟弗念天顯，乃弗克恭。厥兄，兄亦不念鞠子哀，大不友于弟。曰：乃其速由文王作罰，刑茲無赦。其意言不慈不祗不友不恭，各用文王之法刑之，不是罪子又罪父。刑弟復刑兄，是其不相及也。

下體

君取節焉可也

詩

國風也。葑菲之菜，上善下惡食之者，不以其惡而棄其善，言可取其善節。○葑，非芳也。非，芴也。釋草云：須葑，孫炎曰：須一名葑。鄭玄坊記註云：葑，蔓菁也。釋草又云：非芴也。孫炎曰：葑類也。陸璣毛詩義疏云：葑，蔓菁，幽州人或謂之芥也。非似葑莖，籠葉厚而長，有毛，三月中蒸煑為茹，滑美，又可以為羹，是也。此二菜其根有惡，詩故云上善

惡食之者

不以其惡而棄其善，言可取其善節。○葑，非芳也。非，芴也。釋草云：須葑，孫炎曰：須一名葑。鄭玄坊記註云：葑，蔓菁也。釋草又云：非芴也。孫炎曰：葑類也。陸璣毛詩義疏云：葑，蔓菁，幽州人或謂之芥也。非似葑莖，籠葉厚而長，有毛，三月中蒸煑為茹，滑美，又可以為羹，是也。此二菜其根有惡，詩故云上善

反非芳

也。詩國至善節。正義曰：彼毛傳曰：葑須匪反。也。非芴也。釋草云：須葑，孫炎曰：須一名葑。鄭玄坊記註云：葑，蔓菁也。釋草又云：非芴也。孫炎曰：葑類也。陸璣毛詩義疏云：葑，蔓菁，幽州人或謂之芥也。非似葑莖，籠葉厚而長，有毛，三月中蒸煑為茹，滑美，又可以為羹，是也。此二菜其根有惡，詩故云上善

美又可以為羹

是也。此二菜其根有惡，詩故云上善

重也
還也

下惡食之者取善節也

文公以為下軍大夫，反自箕，襄公以三

命命先且居將中軍

且居先軫之子，其父死敵，故

進之

○且子徐反

詩

且居至進之。正義曰：且居將子，反在之時，已將上軍，以父死敵

故進

以再命命先茅之縣，賞胥臣曰：舉卻缺子之功

也

先茅絕後，故取其縣以賞胥臣。以一命命卻缺

為卿，復與之冀

詩

還其父故邑

○復扶又反，又音服

亦未有軍

行

雖登卿位，未有軍列

詩

○行尸反

冬公如齊朝，且

弔有狄師也，反薨于小寢，即安也

詩

小寢，夫人寢也

譏公就所安，不終于路寢。○晉陳鄭伐許，討其貳於

楚也。楚令尹子上侵陳蔡，陳蔡成，遂伐鄭，將納公子

瑕。三十一年，瑕奔楚，門于桔柣之門，瑕覆于周氏

之汪。車傾覆池水中。桔戶結反，柣大結反，覆外

僕髡屯禽之以獻。殺瑕以獻鄭伯。屯徒門反文

夫人斂而葬之鄆城之下。鄭文公夫人也。鄆城故

鄆國，在滎陽密縣東北。傳言穆公所以遂有國。斂力豔

而軍。晉陽處父侵蔡，楚子上救之，與晉師夾泚

而軍。泚水出魯陽縣東，經襄城，定陵入汝。夾古洽反

陽子患之，使謂子上曰：吾聞之

文不犯順，武不違敵。子若欲戰，則吾退舍。子濟而陳

然紆我。紆，緩也。音直呂反老師費財亦無益也。

乃駕以待。子上欲涉，大孫伯曰

不可。晉人無信，半涉而薄我，悔敗何及。不如紆之，乃

退舍。楚退欲使晉渡，陽子宣言曰：楚師遁矣，遂歸。

楚師亦歸。大子商臣譖子上曰：受晉賂而辟之，楚之

恥也。罪莫大焉。王殺子上。商臣怨子上，止王立已

故譖之。葬僖公。文公元年，經書四月

葬僖公。僖公實以今年十一月薨，并閏七月乃葬。故傳云：緩自此以下，遂因說作主祭祀之事，文相次也。皆當次在經葬僖公下。今在此，簡編倒錯。○編必連反。又布于。

反倒丁 **文公至倒錯**。正義曰：經書十二月下，老反。云乙巳公薨，杜以長歷推之十一月十二日有乙巳，乙巳非十二月。文元年傳曰：於是閏三月非禮也。故至四月，并閏為七月。禮當五月而葬，今乃七月始葬，故傳曰：緩也。左氏為傳，凡有譏者，皆先言所譏，乃復述其事。自此以下，不論葬緩，既言葬之緩，遂因說作主祭祀之事，皆事與葬連，故文相次耳。僖公葬在明年，而此年有傳，知其當在明年經葬僖公下。今在此者，簡編倒錯，故爾。杜以此年空說葬事，而其上無經文，元年空舉經，而無傳，故謂此年之傳當在彼經之下。於理誠為順序。於文失於重疊，此云葬僖公，彼又云葬僖公，重生文者，亦既錯謬，必乖。

以上時掌反 補

其本或可編絕之處，三字分簡，彼有葬無公，此有公無葬，後人竝添足之，致使彼此共剩一文耳。若其不然，不知所**作主非禮也**。文二年乃作主，遂因葬文通譏之，**凡君薨卒哭而祔，祔而作主，特祀於主**。既葬反虞，則免喪，故曰卒哭哭止也。以新死者之神祔之於祖，尸柩已遠，孝子思慕，故造木主，立几筵焉。特用喪禮祭祀於寢，不同之於宗廟。言凡君者，謂諸侯以上，不通於卿大夫。音附。**烝嘗禘於廟**。冬祭曰烝，秋祭曰嘗，新主既立，特祀於寢，則宗廟四時常祀自如舊也。三年禮畢，又大禘，乃皆同於吉。禘大計反。

凡君至於廟。正義曰：釋例云：此諸侯之禮，故稱君。君既葬，反虞則免喪，故曰卒哭。哭止也。以新死者之神，祔之於祖尸，既已遠矣，神形又不可得而見矣。孝子之思彌篤，徬徨求索，不知所至，故造木主立几筵，特用喪禮祭祀於寢，不同之於宗廟。宗廟則復用四時，烝嘗之禮也。三年喪畢，致新死者之主，以進於廟。廟之遠，主當遷入祧，於是乃大祭於太廟，以審定昭穆，謂之禘。此皆自諸侯上達天子之制也。其意與此註同。文小詳耳。劉炫云：既言作主，非禮。因言作主祭祀，吉凶之節，凡諸侯之薨，葬日而虞，從是以後，間日一虞，七虞之後，明日而為卒哭之祭。卒哭之明日而作祔祭，以新死之神祔於祖父於此。祔祭而作木主，以依神。其主在寢，特用喪禮祭祀於在寢之主。其四時常祭祀，祔烝嘗及三年喪畢，為大祀禘祭，竝行之於廟。正禮當如是耳。今以葬，僖公後積十月始作，僖公木主，是作主太緩，故為非禮也。○既葬至大夫。○正義曰：檀弓曰：既封，有司以几筵舍奠於墓左，反日中而虞。葬日虞，弗忍一日離也。雜記曰：士

三虞，大夫五，諸侯七。士虞記曰：始虞用柔日，再虞皆如初。三虞，卒哭用剛日。如士虞之禮，諸侯七虞，其六用剛日，則諸侯卒哭在葬後十四日也。然始免喪與葬不得相遠，共在一月之內。故杜每云：既葬，卒哭與麻除，是其不甚相遠。然喪事先遠日，則葬在月半之後。葬後行虞，虞後卒哭，所以得同月者。但卜葬雖先遠日，但葬是喪之大事，又有虞祔之祭，當應及早為之，使得容其虞祔禮云。喪事先遠日，謂練祥禫除之屬。晉平公之喪，大夫欲見新君，王與文伯宴，樽以魯壺。皆是既葬之後，未卒哭之前。雜記曰：天子七月而葬，九月而卒哭。諸侯五月而葬，七月而卒哭。釋例云：禮記後人所作，不與春秋同。是七虞九虞，杜所不用。或云：杜亦同之。解云：此註言虞則免喪者，謂七虞皆畢，乃免喪。免喪後日為卒哭也。理亦通耳。檀弓曰：葬日虞，是日也。以虞易奠，卒哭日成事，是日也。以吉祭易喪祭，是葬前奠而不祭。至虞乃為喪祭，卒哭乃為吉祭也。自初死至於卒哭，晝夜哭無時，謂之卒哭者。

卒此無時之哭自此以後唯朝夕哭耳天子諸侯則於此除喪全不復哭也檀弓於卒哭之下云明日祔於祖父士虞記亦云卒哭明日以其班祔是以新死之神祔之於祖也於此之時葬已多日尸極既已遠矣孝子思慕彌篤彷徨不知所至故造木主立几筵以依神也作主置之於寢特用喪祭之禮祭之於寢不同祭之於宗廟也大夫以下不得稱君此言凡君者謂諸侯以上耳不得通於卿大夫也文二年公羊傳曰主者易用虞主用桑練主用栗鄭玄註禮用公羊之說以為虞已有主此傳稱祔而作主者虞而作主禮本無文不可以公羊而疑左氏也。註冬祭至於吉。正義曰周禮禮記諸文皆有之也新主既特祀於寢而其餘宗廟四時常祀自如舊不廢也三年喪畢新主入廟廟之遠主常遷人祧乃為大祭於太廟以審昭穆謂之為祧於是新死者乃得同於吉也釋例曰舊說以為諸侯喪三年之後乃烝嘗按傳襄公十五年冬十二月晉侯周卒十六年春葬晉悼公改服修官烝于曲沃會于溴梁其冬穆叔如晉且言

則

卜

齊故晉人答以寡君之未禘祀其後晉人微朝于鄭鄭公孫僑云溴梁之明年公孫夏從寡君以朝于君見於嘗耐與執膳焉此皆春秋之明證也是言知諸侯卒哭以後時祭不廢之事也釋例又曰凡三年喪畢而後禘於是遂以三年為節仍計除喪即古之月十日而後行事無復常月也是以經書禘及大事傳唯見莊公之速他無非時之譏也如例所言除喪即吉禘遂以三年為常則新君即位二年而禘五年又禘八年又禘僖八年禘于太廟宣八年有事于太廟定八年從祀先公皆得三年之常期也按元年夫人姜氏薨當以三年喪畢而禘再經三年則九年乃可禘耳而得八年禘者哀姜喪畢不為作禘八年因禘祭乃致之故計閏公之喪數之耳昭十五年有事于武宮計非禘年而為禘者釋例曰禘于太廟禮之常也各於其宮時之為也雖非三年大祭而書禘用禘禮也昭二十五年傳曰終禘於襄公亦其義也三年之禘自國之常常事不書故唯書此數事祭雖得常亦記仲遂以弓之非常也如此言昭十五年雖非

禘年用禘禮故稱禘也。禘，玄解禮三年一禘，五年一禘。杜解左傳都不言禘者，以左傳無禘語，則禘禘正是一祭，故杜以審禘昭穆謂之為禘，明其更無禘也。古禮多亡，未知孰是。且使禮傳各從其家而為之說，耳。劉炫云：以正經無禘文也。唯禮記毛詩有禘字耳。釋天云：禘，大祭也。則祭無大於禘者。若禘大於禘，禘焉得稱大乎。

春秋左傳註疏卷第十八

文元年 盡四年

晉杜氏註

唐孔穎達疏

文公

○陸曰：文公名興，僖公子母聲姜諡。法慈惠愛民，曰文。忠信接禮，曰文。正義曰：魯世家文公名興，僖公之子，夫人聲姜所生。以襄王二十六年即位，諡法慈惠愛民曰文。是歲歲在降婁。

經元年春王正月公即位

無傳先君未葬而公即位

不可曠年無君

禮既葬成君先君雖則未葬既踰年矣而君即位者不可曠年無君故也。即位必於歲首，若歲首不行此禮，餘月不得行之，便是曠年無君。

二月癸亥日有食之無傳癸亥月一日不書朔官失

之

故雖則未葬亦卽行之釋例曰遭喪繼立者每新年正月必改元正位百官以序故國史書卽位於策以表之文公成公先君之喪未葬而書卽位因三正之始明繼嗣之正表朝儀以固百姓之心此乃國君明分制之大禮譬周康王麻冕黼裳以行事事畢然後反喪服也雖踰年行卽位之禮名通於國內必須既葬卒哭乃免喪古之制也杜引顧命康王之事以譬此者彼是既殯此是踰年雖時不同取其暫服古服事相似耳康王之誥云王義嗣德答拜彼始殯訖卽呼爲王知諸侯既殯臣子亦呼爲公既尸其位名號既成但先君未葬事猶聽於冢宰未得卽成爲君八年八月天王崩九年春毛伯來求金傳曰不書王命未葬也是踰年未葬不得命臣出使必待卒哭乃免喪也

天王使叔服來會葬叔氏服字諸侯喪天子使大夫

會葬禮也叔氏至禮也正義曰四年風氏葬五年王使榮叔歸含且贈召昭公來會

葬傳曰禮也夫人之喪會葬爲禮知諸侯之喪天子使大夫會葬爲得也蘇氏云外卿來會葬不書此書者尊王使故特書之傳稱內史叔服內史於周禮爲中大夫天子大夫例書字知叔氏服字也

夏四月丁巳葬我君僖公七月而葬緩

天王使毛伯來錫公命毛國伯爵諸侯爲王卿士者

諸侯卽位天子賜以命圭合瑞爲信僖十一年王賜

晉侯命亦其比也錫星歷反比必錫也毛國至此

僖二十四年傳有原伯毛伯杜云原毛皆采邑此毛與彼計是一人而註不同者此毛當是文王之子封

絕

為畿外之國於時諸侯無復有毛或是世事王朝本
是紀滅從此以後常稱毛伯國名尚存仍為伯爵必
受得采邑為畿內諸侯故註彼云采邑此云國也封
爵既存故云諸侯為王卿士者周禮大宗伯以玉作
六瑞以等邦國王執鎮圭公執桓圭侯執信圭伯執
躬圭子執穀璧男執蒲璧冬官玉人桓圭以下皆謂
之命圭是用之以命諸侯也諸侯即位天子賜之以
命圭魯是侯爵當賜之以信圭也玉人又云天子執
冒四寸以朝諸侯其冒邪刻其下與圭頭相合諸侯
執圭以朝天子天子執冒以冒之觀其相當以否所
以合瑞為信也僖十一年晉惠公新立王賜之命此
亦新立是其比也傳稱晉侯受玉情以此知賜命必
有玉也公羊傳曰錫者何賜也命者何加我服也唐
風無衣之篇晉人為其君請命於天子之使以無衣
為辭則賜命亦有服杜不
言服者主於玉而畧之耳

晉侯伐衛晉襄公先告諸侯而伐衛雖大夫親伐而

稱晉侯從告辭也

叔孫得臣如京師得臣叔牙之孫

衛人伐晉衛孔達為政不共盟主與兵鄰國受討喪

邑故貶稱人喪息浪反

秋公孫敖會晉侯于戚戚衛邑在頓丘衛縣西禮卿

不會公侯而春秋魯大夫皆不貶者體例已舉故據

用魯史成文而已內稱公卒稱薨皆用魯史衛至戚

魯史正義曰僖二十九年翟泉之盟諸侯之卿為
會魯侯故貶稱人則魯卿會他諸侯亦合貶而春秋
魯大夫皆不貶者貶他國之卿以成體例體例已舉
於魯不須加貶理足可明故據用魯史成文不復改

春秋左傳

卷之八十三

及古蜀

易也他國君書卒及爵內常稱公稱薨亦體例已舉皆用魯史也

冬十月丁未楚世子商臣弑其君頹商臣穆王也弑

君例在宣四年又丘倫反

公孫敖如齊傳例曰始聘焉禮也

傳元年春王使內史叔服來會葬公孫敖聞其能相

人也公孫敖魯大夫慶父之子亮反見其二子

焉叔服曰穀也食子難也收子穀文伯難惠叔食

子奉祭祀供養者也收子葬子身也見賢遍反下註狐見同食音

副註同難乃旦反又如字供俱用反養餘亮反穀也豐下必有後於魯國

孤

豐下蓋面方為八年公孫敖奔莒傳○於是閏三月

非禮也於歷法閏當在僖公末年誤於今年三月

置閏蓋時達歷者所譏先王之正時也履端於始舉

正於中歸餘於終步歷之始以為術之端首暮之

日三百六十有六日日月之行又有遲速而必分為

十二月舉中氣以正月有餘日則歸之於終積而為

閏故言歸餘於終其反履端於始序則不愆四

時無愆過愆起舉正於中民則不惑斗建不失

其次寒暑不失其常故無疑惑歸餘於終事則不悖

四時得所則事無悖亂。○悖必於是不悖。○
 魯歷置閏閏三月非禮也。言於禮置閏不當在此月也。因論置閏之法先王之正時也。履端於始履步也。謂推步歷之初始以爲術歷之端首舉月之正半在於中氣歸其餘分置於終末言於終末乃置閏也更復申之履端於始序則不愆謂四時之序不愆過也。舉正於中民視瞻則不疑惑也。歸餘於終於時事則不悖亂也。此年不合置閏而置閏則不是歸餘於終故爲非禮也。○於歷至所譏。正義曰古今歷法推閏月之術皆以閏餘減歲餘以歲中乘之章閏而一所得爲積月命起天正算外閏所在也。其有進退以中氣定之無中氣則閏月也。古歷十九年爲一章章有七閏。八章三年閏九月六年閏六月九年閏三月十一月閏十一月十四年閏八月十七年閏四月十九年閏十二月。此據元首初章若於後漸積餘分大率三十二月則置閏不必恒同初章閏月。僖五年正月辛亥朔日南至治歷者皆以彼爲章首之歲。

漢書律歷志云文公元年距僖五年辛亥二十九歲是歲閏餘十三閏當在十一月後而在三月故傳曰非禮也。志之所言閏當在此年十一月後今三月已卽置閏是嫌閏月大近前也。杜以爲僖三十年閏九月文二年閏正月故言於歷法閏當在僖公末年誤於今年置閏嫌置閏大近後也。杜爲長歷置閏疏數無復定準凡爲歷者閏前之月中氣在晦閏後之月中氣在朔僖五年正月朔旦冬至則四年當閏十二月也。杜長歷僖元年閏十一月五年閏十二月與常歷不同者杜以襄二十七年再失閏司歷過昭二十年二月己丑日南至哀十二年十二月蝨云火猶西流司歷過則春秋之世歷法錯失所置閏月或先或後不與常同杜唯勘經傳上下日月以爲長歷若日月同者則數年不置閏月若日月不同須置閏乃同者則未滿三十二月頻置閏所以異於常歷故釋例云春秋日有頻月而食者有曠年不食者理不得一如算以守恒數故歷無有不失也。始失於毫毛尚未可覺積而成多以失弦望朔晦則不得不改憲以

水火

卷之八

禮記

順之書所謂欽若昊天歷象日月星辰易所謂治歷明時言當順天以求合非苟合以驗天者也故當修經傳日月以考晦朔以推時驗下又云據經傳微旨考日辰晦朔以相發明為經傳長歷未必得天蓋春秋當時之歷也是杜自言不與常歷同○**步**步歷至於終○正義曰日月轉運於天猶如人之行步故推歷謂之步歷步歷之始以為術之端首謂歷之上元必以日月全數為始於前更無餘分以此日為術之端首故言履端於始也朞之日三百六十有六日謂從冬至至冬至必滿此數乃周天也日月之行有遲有速日行遲月行速凡二十九日過半月行及日謂之一月過半者謂一日於歷法分為九百四十分月行及日必四百九十九分是過半二十九分今一歲氣周有三百六十五日四分日之一其十二月一唯三百五十四日是少十一日四分日之一未得氣周細而言之一年只少弱十一日所以然者一月有餘分二十九一年十二月有餘分三百四十八是一歲既得三百五十四日又得餘分三百四十八其四

分日之一一日為九百四十分則四分日之一為二百三十五分今於餘分三百四十八內取二百三十五以當卻四分日之一餘分仍有一百一十三其整日唯有一日又以餘分一百一十三減其一日九百四十分唯有一百一十三分是一年有餘十日八云則一歲為十二月猶有十一日有餘未得周也分一周之日為十二月則每月常三十日餘計月及日為一月則每月唯二十九日餘前朔後朔相去二十九日餘前氣後氣相去三十日餘每月參差氣漸不正但觀中氣所在以為此月之正取中氣以正月故言舉正於中也月朔之與月節每月刺一日有餘所於終○**斗**斗建至疑惑○正義曰閏後之月中氣在朔則斗柄月初已指所建之辰閏前之月中氣在晦則斗柄月末方指所建之辰故舉月之正在於中氣則斗柄常不失其所指之次○夏四月丁巳葬僖公如是乃得寒暑不失其常

及匡二字句

春秋

卷之八

汲古閣

傳皆不虛載經文而此經孤見知僖公末年傳宜

在此下○王使毛伯衛來錫公命衛毛伯字○**衛**毛伯字本作一

毛伯衛來錫公命者以天子公卿例書爵不言名

一本作天王使大夫稱字故毛伯雖卿或稱字案僖九年公會宰周公云云杜云三公不字明卿或書字叔孫得

臣如周拜謝賜命○晉文公之季年諸侯朝晉衛

成公不朝使孔達侵鄭伐縣訾及孔達衛大夫

在潁川新汲縣東北訾子斯反晉襄公既祥諸侯雖諒闇亦因祥祭為位而哭○諒音良公既

祥○正義曰禮暮而小祥晉文公以僖三十二年十

二月卒則三十三年十二月為小祥此云既祥謂小

也祥使告于諸侯而伐衛及南陽今河內地先且居

曰效尤禍也尤衛不朝故伐今不朝王是效衛致

禍時王在溫故勸之且子請君朝王臣從師晉侯

朝王于溫先且居胥臣伐衛五月辛酉朔晉師圍戚

六月戊戌取之獲孫昭子昭子衛大夫食戚邑衛

人使告于陳陳共公曰更伐之我辭之見伐求和

不競太甚故使報伐示已力足以距晉共音恭更

庚大音泰衛孔達帥師伐晉君子以為古古者越國

而謀合古之道而失今事霸主之禮故國失其邑

春秋

卷之八

汲古閣

身見執辱

疏

合古至執辱。正義曰釋例云衛孔達為政不共盟主與兵於鄰國受討喪

邑窘而告陳雖從陳之謀僅得自定以謀而濟故君子但言合古而不釋其尤也。劉炫云春秋之時天子微弱霸主秉德刑以長諸侯諸侯從時命以事霸主大事小小事大所以相係時也。晉之與衛小大不同而取於受屈墜以疆獲免明王在上理在可然度時之宜則非善可。君子以為合古之道失當今之宜亦不言其謀。全非理也。

○秋晉侯疆戚田故公孫敖會之

疏 晉取衛田正其疆界。疆居良反。註同。

○初楚子將以商臣為大

子訪諸令尹子上

子上曰君之齒未也

疏 齒年也言

尚少

少詩照反下文同

而又多愛黜乃亂也。楚國之舉恒在

少者

疏 舉立也。且是人也。蠡目而豺聲忍人也。能

忍行不義

蠡本又作蜂芳。逢反豺什皆反。

不可立也。弗聽。既又欲

立王子職而黜大子商

疏

職商臣庶弟也。商臣聞

之而未察告其師。潘崇曰若之何而察之。潘崇曰享

江芊而勿敬也

疏

江芊成王妹嫁於江。史記以為成

王從之。江芊怒曰呼役夫

疏

呼發聲也。役夫賤者稱

妾。呼報賀反。註同。役夫如字。稱尺證反。

宜君王之欲殺女而立職也。告

潘崇曰信矣。潘崇曰能事諸乎

疏

問能事職不音汝

曰不能能行乎。曰不能能行大事乎。曰能

疏

大事謂

弑君

弑申志反。一本無此註

冬十月以宮甲圍成王

疏

大子宮

甲、僖二十八年，王以東宮卒從子玉，蓋取此宮甲卒。

子忽反從如王請食熊蹯而死。**熊**掌難熟，冀久將

有外救。音煩弗聽。丁未，王縊。諡之曰靈，不瞑。曰：成乃

瞑。**言**其忍甚，未斂而加惡諡。千反斂，力驗反。

言其至惡諡。正義曰：既見其不瞑，目則未斂於棺，故知未斂也。禮葬乃加諡，未斂而加惡諡，言其

忍之甚也。冤枉之人衆矣，未有能見其靈。此事特為商臣忍甚耳。桓譚以為自縊而死，其目未合，尸冷乃

瞑，非由諡之善惡也。亂而穆王立，以其為大子之室

與潘崇。為大子之室。正義曰：商臣今既為王，以其為大子之時所居室內財物僕妾盡以

所居之宮室也。使為大師，且掌環列之尹。環列之

尹，宮衛之官，列兵而環王宮。大音泰，環如字，又音患。穆伯如

齊始聘焉，禮也。穆伯、公孫敖、凡君即位，卿出並聘。

凡君至並聘。正義曰：即位者，既葬除喪，即成君之吉位也。唯以既葬為限，不以踰年為斷。八年八月，天王崩，九年春，毛伯來求金，傳曰：不書王命，未葬也。是未葬雖踰年不得命，臣出使也。宣十年夏四月，齊侯元卒，六月葬齊惠公，冬齊侯使國佐來聘，是既葬未踰年得命，臣出使也。何休膏肓以為三年之喪，使卿出聘於義，左氏為短，鄭康成箴云：周禮諸侯邦交歲相問，殷相聘，世相朝，左氏合古禮，何以難之。

踐修舊好，要結外援。踐，猶履行也。好呼報反，下及註同。要於遙

反，援于春反。好事鄰國，以衛社稷。忠信卑讓之道也。忠德

之正也。信，德之固也。卑讓，德之基也。傳因此發凡

春秋疏
卷之八
以明諸侯諒闇則國事皆用吉禮○殺之役在僖
三十三年晉人既歸秦帥秦大夫及左右皆言於秦
伯曰是敗也孟明之罪也必殺之秦伯曰是孤之罪
也周芮良夫之詩曰大風有隧貪人敗類詩大雅
隧蹊徑也周大夫芮伯刺厲王言貪人之敗善類若
大風之行毀壞衆物所在成蹊徑帥所類反芮如
篇隧音遂道也敗必邁反鏡反詩大雅桑柔
註同蹊音兮徑古定反聽言則對誦言如醉言
昏亂之君不好典誦之言聞之若醉得道聽塗說之
言則喜而答對誦似用反昏匪用其良覆俾我悖
本亦作憚音昏

春秋疏
卷之八
○復扶
又反
經二年春王二月甲子晉侯及秦師戰于彭衙秦師敗
績孟明名氏不見非命卿也大崩曰敗績馮翊郤
陽縣西北有彭衙城衙音牙見賢
於例將卑師衆稱師今稱秦師知將非尊者故云孟
明名氏不見非命卿也傳稱秦伯不廢孟明復使爲
政則孟明秦之執政之卿也而言非卿者成二年註
云曹大夫常不書而書公子首者首命於國備於禮
○復扶
又反
覆反也俾使也不用良臣之言反使我爲悖亂覆
卑必爾反註同是貪故也孤之謂矣孤實貪以禍
夫子夫子何罪復使爲政爲明年秦晉戰彭衙傳
○復扶
又反
經二年春王二月甲子晉侯及秦師戰于彭衙秦師敗
績孟明名氏不見非命卿也大崩曰敗績馮翊郤
陽縣西北有彭衙城衙音牙見賢
於例將卑師衆稱師今稱秦師知將非尊者故云孟
明名氏不見非命卿也傳稱秦伯不廢孟明復使爲
政則孟明秦之執政之卿也而言非卿者成二年註
云曹大夫常不書而書公子首者首命於國備於禮

成爲卿故也。然則備卿禮乃成爲卿。禮不備則不書。秦是辟陋之國，不以卿禮成。孟明不言，孟明非執政也。此言晉士穀堪其事，故名書於垂隴。襄二十九年，鄭公孫段攝卿以行，名見於城杞。况此真卿而不書者，以秦辟陋在戎，異於中國。禮命不足，故云非命卿也。

丁丑作僖公主。主者，殷人以柏，周人以栗。三年喪終。

則遷入於廟。經無正文，公羊傳曰：主者，曷用虞主？用桑，練主用栗。左傳唯言祔而作主，主一而已。非虞練，再作公羊之言，不可通於此也。論語哀公問：主於宰我，宰我對曰：夏后氏以松，殷人以柏，周人以栗。先儒舊解或有以爲宗廟主者，故杜依用之。案古論語及孔鄭皆以爲社主，社爲木主者，古論不行於世。且社主，周禮謂之田主，無單稱主者。以張包周等竝爲廟主，故杜所依用。劉炫就所以規杜過，未爲得也。

三月乙巳及晉處父盟。處父爲晉正卿，不能往，君以

禮而親與公盟，故貶其族。族去則非卿，故以微人常稱爲耦。以直厭不直，不地者，盟晉都。○去起呂反，稱

反。○處父至晉都。正義曰：春秋卿則書名，氏賤其族，去族與稱人，外卿之貶例。皆稱人，魯卿之貶，乃去卿，不能往，君以禮，君使盟，魯即從，君命親與公盟，故貶去其族。若言處父是晉之賤人，則不復書公直言及晉處父盟。若言魯之賤人往與之盟也，魯之賤人，不合書名，舉其所爲之事而已。言及不言名，是微人之常稱也。以微人常稱與處父爲偶，若處父亦賤人也。魯以微人敵微人，直也。晉以卿敵公，不直也。如此書經者，以魯之直厭晉之不直也。然則不貶處父稱人者，貶之稱人，則惡名不見，貶其族，畱其名，所以惡處父也。釋例曰：隨此稱人，則所罪之名不章，故特書

處父也。翟泉澶淵亦會公侯所以稱人者以其衆卿非一依例總貶不地者盟於晉之都也諸侯會聚盟於他國之都者即以國名為盟地魯之君臣獨往他國而與之盟者不復舉國地三年冬公如晉十二月公及晉侯盟是也。

夏六月公孫敖會宋公陳侯鄭伯晉士穀盟于垂隴。

垂隴鄭地滎陽縣東有隴城士穀出盟諸侯受成於

衛故貴而書名氏。穀戶木反本亦作穀同隴力勇反

自十有二月不雨至于秋七月無傳周七月今五月

也不雨是為災不書早五穀猶有收。收如字又手又反

八月丁卯大事于大廟躋僖公。大事禘也躋升也僖

是一作足

文

公閔公庶兄繼閔而立廟坐宜次閔下今升在閔上

故書而譏之時未應吉禘而於大廟行之其譏已明

徒以逆祀故特大其事異其文。大廟音泰註及傳

才臥反。通大事至其文。正義曰昭十五年有事

又如字。于武宮傳稱禘于武宮有事是禘則知大

禘祭之禮審諦昭穆諸廟已毀未毀之主皆於大祖

廟中以昭穆為次序父為昭子為穆大祖東向昭南

向穆北向孫從王父以次而下祭畢則復其廟其兄

弟相代則昭穆同班近據春秋以來惠公與莊公當

同南面西上隱桓與閔僖亦同北面西上僖是閔之

庶兄繼閔而立昭穆雖同位次閔下今升在閔上故

書而譏之僖公以其三十三年十一月薨至此年十

一月喪服始畢今始八月時未應吉禘而於大廟行

之與閔公二年吉禘于莊公其違禮同也彼書吉禘

其譏已明則此亦從譏可知不復更譏其速也徒猶
空也空以逆祀之故亂國大典故特大其事謂之大
事譏逆祀也釋例曰文公二年僖公之喪未終未應
行吉禘之禮而於大廟行之其譏已明徒以躋僖而
退閔故特大其事異其文定八年亦特書順祀皆所
以起非常也有事于武宮及順祀傳皆稱禘則知大
廟亦禘也

冬晉人宋人陳人鄭人伐秦四人皆卿秦穆悔過終

用孟明故貶四國大夫以尊秦伯四人至秦伯

大夫傳皆言名氏是四人皆卿也秦穆悔過終用孟
明仲尼特善其事無辭可以寄文故貶四國大夫稱
人所以尊崇秦德以諸侯之名無所可加貶大夫以
尊秦大夫非有罪也襄八年邢丘之會晉悼霸功既
就德立刑行貶諸侯之卿以尊晉侯其事與此同也
釋例曰秦伯終用孟明而致敗敗而罪已赦其闕而

始

養其志孟明增修其德以霸西戎夫子嘉之故於伐
秦之役貶四國大夫四國大夫奉君命而行今以一
義變例故稱尊秦謂之崇
德明罪不在四國大夫也

公子遂如齊納幣傳曰禮也僖公喪終此年十一月

則納幣在十二月也士昏六禮其一納采納徵如有

玄纁束帛諸侯則謂之納幣其禮與士禮不同蓋公

為大子時已行昏禮也○纁許傳曰至昏禮○

此何以書譏何譏爾譏喪娶也娶在三年之外則何
譏乎喪娶三年之內不圖昏其意謂此喪服未畢而
行昏禮也何休據此作膏肓以左氏為短今左氏傳
謂之禮也必是喪服已終杜以長歷推之知僖公以
其三十三年十一月薨至此年十一月喪已畢矣納
幣雖則無月以傳言禮則知納在十二月也士昏六

采火充
及古蜀

許

止

禮其一納采次有問名納吉至納徵始有玄纁束帛
 士謂之納徵諸侯則謂之納幣以其幣帛多其禮大
 與士禮不同故異其名也按士之昏禮納采問名同
 日行事納采者納其采擇之禮主人既諾賓即問名
 將歸卜其吉凶也卜而得吉又遣使納幣如納采之
 禮納吉之後方始納徵徵成也使使納幣以成昏禮
 也此納幣以前已有三禮須再度遣使一月之內不
 容三遣適齊蓋公為大子時已行昏禮疑在僖公之
 世已行納采納吉今續而成之也杜言其一納采欲
 明納徵之前更有昏禮納幣非昏禮之始豫為下句
 公為大子時已行昏禮張本也大子昏禮理自不書
 雖則公昏唯書納幣其納采納吉亦不書也釋列曰
 諸侯昏禮亡以士昏禮準之不得唯只於納幣逆女
 逆女納幣二事皆必使卿行卿行則書之他禮非卿
 則不書也宋公使華元來聘聘不應使卿故傳但言
 聘共姬也使公孫壽來納幣納幣應使卿故傳明言
 得禮也君之昏亦唯
 存納幣逆女此其義

春秋

卷之八

公

甚

傳二年春秦孟明視帥師伐晉以報殺之役二月晉

侯禦之先且居將中軍趙衰佐之代御秦呂反將

子匠反衰初危反秦側巾反王官無地御戎代梁弘狐鞠居為

右鞠居續簡伯六反甲子及秦師戰于彭衙秦

師敗績晉人謂秦拜賜之師以孟明言三年將拜

君賜故嗤之嗤尺之反戰於殺也晉梁弘御戎萊駒為

右戰之明日晉襄公縛秦囚使萊駒以戈斬之囚呼

萊駒失戈狼曠取戈以斬囚禽之以從公乘遂以為

右箕之役箕役在僖三十三年其反字林式祗反

春秋

卷之八十四

公

乘繩證反先軫黜之而立續簡伯箕之至黜之。正義曰御與車右雖有常

員必臨戰更選定之韓之戰卜右慶鄭吉是其事也

自殺戰之後狼曠為右箕之役將戰選右先軫黜之

箕戰先軫死焉非狼曠怒其友曰盍死之曠曰吾未

獲死所未得可死處。蓋戶臘反。處昌慮反。其友曰吾與女

為難欲共殺先軫。女音汝。難乃且反。曠曰周志有之勇則

害上不登於明堂周志周書也明堂祖廟也所以

策功序德故不義之士不得升死而不義非勇也共

用之謂勇共用死國用。恭註同。吾以勇求右無勇

而黜亦其所也言今死而不義更成無勇宜見退

謂上不我知黜而宜乃知我矣言今見黜而合宜

則吾不得復言上不我知復扶。子姑待之。周志

之。正義曰周之志記有之曰有勇以害在上則為

不義之人不得升於明堂若殺先軫則必死死而不

義非勇也如以死共國家之用是之謂勇吾自以有

勇之故求為車右若殺先軫則是無勇無勇而被黜

退亦是得其所也吾復安得為恨吾今恨者謂在上

不我知也言其不知我有勇也若殺先軫即是成爲

無勇無勇被黜退則黜而合其宜也乃是在上知我

矣不得言在上不我知也子且待之。周志至得

升。正義曰志者記也謂之周志明是周世之書不

知其書何所名也鄭玄以為明堂在國之陽與祖廟

別處左氏舊說及賈逵盧植蔡邕服虔等皆以祖廟

與明堂為一故杜同之祭統云古者明君必賜爵祿

於大廟傳稱公行還告廟舍爵策勳是明堂之中所

害

義故不得登明堂也及彭衙既陳以其屬馳秦師死焉屬屬

已兵陳直晉師從之大敗秦師君子謂狼曠於是

乎君子詩曰君子如怒亂庶遄沮詩小雅言君子

之怒必以止亂遄疾也沮止也遄市專反又曰王

赫斯怒爰整其旅詩大雅言文王赫然奮怒則整

師旅以討亂赫火怒不作亂而以從師可謂君子

矣○秦伯猶用孟明孟明增修國政重施於民趙成

子言於諸大夫曰成子趙衰秦師又至將

必辟之懼而增德不可當也詩曰毋念爾祖聿修厥

德詩大雅言念其祖考則宜述修其德以顯之毋

念念也辟音避毋孟明念之矣念德不息其可敵

乎音無註同為明年秦人伐晉傳○丁丑作僖公主書不時

也過葬十月故曰不時例在僖三十三年

三年正義曰僖三十三年傳已發例言作主非禮
此復云書不時者彼因葬緩遂通譏作主之失未辯
失之所由於此又言不時以
明失禮之狀接成彼義也
○晉人以公不朝來討

公如晉夏四月己巳晉人使陽處父盟公以恥之

使大夫盟公欲以恥辱魯也經書三月乙巳經傳必

有誤書曰及晉處父盟以厭之也厭猶損也晉以

非禮盟公故文厭之以示譏。○厭於涉反註同適晉不書諱

之也。**不書公如晉**。○公未至。六月穆伯會諸侯。

公未至諸侯。正義曰沈云非公命不書此穆伯會諸侯公未至而書者此公既在外命正卿守國故守國之臣亦合告廟而行故得書之也。及晉司空士穀盟于垂隴。晉討衛

故也。**討元年衛人伐晉士穀士為子**。○為子委反書士

穀堪其事也。**晉司空非卿也**。以士穀能堪卿事故

書。○書士穀或作司空之官云堪其事乃書之明本不當書故知非卿也。成二年傳稱魯賜晉三帥三命之張司空亞旅皆受一命之服是其知司空非卿也。陳侯為衛請成于晉。執孔達以說。

陳始與衛

也。

之文。

謀謂可以強得免。今晉不聽故更執孔達以苟免也。

○為于偽反。○秋八月丁卯大事于太廟。躋僖公逆祀也。

僖是閔兄不得為父子嘗為臣位應在下。令居閔

上。故曰逆祀。○令力呈反閔上時。僖是至逆祀

子異昭穆兄弟昭穆同故僖閔不得為父子同為穆耳當閔在僖上今升僖先閔故云逆祀二公位次之

逆非昭穆亂也。魯語云將躋僖公宗有司曰非昭穆

也。弗忌曰我為宗伯明者為昭其次為穆何常之有

如彼所言似閔僖異昭穆者位次之逆如昭穆之亂

假昭穆以言之非謂異昭穆也。若兄弟相代即異昭

穆設令兄弟四人皆立為君則祖父之廟即於是夏

父弗忌為宗伯。宗伯掌宗廟昭穆之禮。○夏戶雅反昭土遙

理

反後昭穆宗伯至之禮。正義曰：周禮大宗伯之例放此。掌建邦之天神人鬼地祇之禮。小宗伯掌建國之神位，辨廟祫之昭穆。諸侯之官所掌亦當然也。尊僖公且明見曰：吾見

新鬼大故鬼小新鬼僖公既為兄，死時年又長，故

鬼閔公死時年少，弗忘明言其所見長丁丈反。少詩照反。

新鬼至所見。正義曰：且明見者，既尊崇僖公且明言其意之所見，見其順大小升聖賢也。劉炫以為

直據兄弟大小為義，不須云死之長幼，以規杜氏今刪定知不然者，以傳云新鬼大故鬼小，則大小之語

總該諸事，非直獨據兄弟。先大後小，順也。躋聖賢明也。弟明知亦據年時也。

又以僖公為聖賢，明順理也。君子以為失禮君子以為失禮。正義曰：傳有評論，皆託之君子。此下盡先姑以來，皆是一君子之辭耳。引詩二文於詩之下。

多言君子者，君子謂作詩之人，此論事君子，又引彼作詩君子以為證。且僖公薨後始作魯頌，為傳之時，乃設此辭，非當時君子有此言也。弗忘之意，以先大後小為順，故言明順禮也。君子之意，以臣不先君為順，故云禮無不順。各言其順，順不同也。魯語展禽云：夏父弗忌必有天殃，其葬也焚，煙達于上。孔晁云：已葬而極焚，禮無不順。祀國之大事也，而逆之，可謂禮

乎。子雖齊聖，不先父食久矣。齊肅也。臣繼君猶子繼父。先悉薦反。故禹不先鯀，湯不先契。鯀禹父

契，湯十三世祖。列反。殷始封之君。鯀禹至世祖。父夏本紀文也。契湯十三世祖。殷本紀文。契生昭明，昭明生相土，相土生昌若，昌若生曹圉，曹圉生冥，冥

生振，振生微，微生報丁，報丁生報乙，報乙生報丙，報

丙生壬，壬生主，主生癸，癸生天乙，天乙即湯也。下

註云不啻后稷子周本紀文服虔云周家祖后稷以配天明不可先也故言不先不啻禹湯異代之王故言不先蘇契也然則文武大聖后稷賢耳非是不可先也下句引詩皇祖后稷不欲重耳故舉不啻以辟之文武不先不啻不啻后稷子律反宋祖帝乙鄭祖厲王猶上祖也帝乙微子父厲王鄭桓公父二國不以帝乙厲王不肖而猶尊尚之召反乙至尚之○正義曰帝乙微子父宋世家文厲王鄭桓公父鄭世家文微子桓公宋鄭始祖也言宋祖帝乙鄭祖厲王則二國立其廟而祖祀之微子不先帝乙桓公不先厲王猶上祖也言不以不肖猶尊尚之也宋為王者之後得祀殷之先王帝乙之廟不毀者蓋以為其所出故特存焉周制王子有功德出封者得廟祀所出之王魯以周公之故得立文王之廟襄十二年傳稱魯為諸姬臨於周廟周廟文王廟也鄭

之桓武世有大功故得立厲王之廟昭十八年傳稱鄭人救火使祝史徙王祔於周廟周廟厲王廟也

是以魯頌曰春秋匪解享祀不忒皇皇后帝皇祖后稷忒差也皇皇美也后帝天也詩頌僖公郊祭上天配以后稷他得反差二也魯頌至后稷○正義僖公之德也止皇皇為美下皇為君言僖公春秋祭祀非有懈倦其所享祀不有差忒所祀之神有皇皇之美者為君之上天配之以君祖后稷也君子曰禮謂其后稷親而先帝也先稱帝也詩曰問我諸姑遂及伯姊詩邶風也衛女思歸而不得故願致問於姑姊音佩君子曰禮謂其姊親而先姑也信親文公父夏父弗忌欲

仁也補

阿時君先其所親故傳以此丑詩深責其意仲尼曰

臧文仲其不仁者三不知者三下展禽註展禽柳下

惠也文仲知柳下惠之賢而使在下位已欲立而立

人○不知音廢六關註塞關陽關之屬凡六關所以

禁絕末遊而廢之○塞悉再反妾織蒲三不仁也註家人

販席言其與民爭利○取蒲萬反作虛器註謂居蔡山節

藻稅也有其器而無其位故曰虛○稅章悅反縱逆祀註

聽夏父躋僖公祀爰居三不知也註海鳥曰爰居止

於魯東門外文仲以為神命國人祀之○爰居爾雅一名雜縣樊

光云似鳳凰爰居事見國語○仲尼至知也○正義

莊子云魯侯御而觴之于廟○曰魯臣多矣而獨譏

文仲者以文仲執國之政有大知之名為不知之事

故特譏之其餘則不足責矣論語稱仁者愛人知者

不惑故以害於物者為不仁關於事者為不知卑下

展禽而不肯舉薦廢去六關而不設防禁妾織蒲席

而與民爭利此三事為不仁也無其位而作虛器不

知禮而縱逆祀不識易而祀爰居此三事為不知也

○註展禽至立人○正義曰論語云臧文仲其獨位

者與知柳下惠之賢而不與立也又曰仁者已欲立

而立人知賢不舉是無恕心故為不仁也○註塞關

至廢之○正義曰昭五年傳稱孟丙仲壬之子殺豎

牛於寒關之外襄十七年傳稱師自陽關逆臧孫二

關見於傳如此之屬凡有六也民以田農為本商賈

為末農民力以自食商民遊以求食漢書賈誼說上

且

春利頭 卷之二

是所以禁絕末遊者令其出入有度今而廢之使末遊之人無所禁約損害農民是不仁也。○**家人**至爭利。○正義曰家語說此事作妾織席知織蒲是為席以販賣之也。大學云食祿之家不與民爭利故以此為不仁也。○**謂居至曰虛**。○正義曰論語云子曰臧文仲居蔡山節藻梲何如其知也。鄭玄云節櫛也刻之為山梲梁上楹也畫以藻文蔡謂國君之守龜山節藻梲天子之廟飾皆非文仲所當有之有其器而無其位故曰虛君子下不僭上其居奢如此是爰居止於魯東門之外三日臧文仲命國人祭之展禽曰越哉臧孫之為政也夫祀國之大節也節政之所成也故制祭祀以為國典今無故而加典非政之宜也今海鳥至已不知而祀之以為國典難以言仁。○**知矣無功而祀之非仁也弗知而不問非知也**。今茲海其有災乎夫廣川之鳥獸皆知辟其災是歲海多大風。○**冬晉先且居宋公子成陳轅選鄭公子歸冬援**

生伐秦取汪及彭衙而還以報彭衙之役卿不書為

穆公故尊秦也謂之崇德。○成音城本或作成音恤。選息充反汪烏黃反為于

偽。○襄仲如齊納幣禮也。凡君即位好舅甥修昏姻

娶元妃以奉粢盛孝也。○**謂諒闇既終嘉好之事通**

于外內外內之禮始備此除凶之即位也於是遣卿

申好舅甥之國修禮以昏姻也元妃嫡夫人奉粢盛

共祭祀。○好呼報反註同娶七佳反妃芳非。孝禮之

始也。

經三年春王正月叔孫得臣會晉人宋人陳人衛人鄭

春秋左傳卷之二十一 及古國

人伐沈沈潰

傳

例曰民逃其上曰潰沈國名也汝

南平與縣北有沈亭

○沈尸甚反潰尸內反與音餘一音預

夏五月王子虎卒

不書

爵者天王赴也翟泉之盟雖

輒假王命周王因以同盟之例為赴

○為于偽反又如字本或作來

赴

也

不書至為赴。正義曰王子虎即王叔文公也諡之為文必當有爵不書爵者畿內之國不

得外交諸侯其臣不敢赴魯必天子為之赴赴以王子為親不復言其爵也翟泉之盟子虎在列而貶之

稱人若王使來盟不應貶責不假王命則不得與盟故知於時輒假王命周王遂以同盟之禮為之赴魯

傳稱來赴乎如同盟禮也是其來赴往弔皆如同盟之禮

秦人伐晉

晉人恥不出

以微者告

秋楚人圍江

雨螽于宋

自上而隋

有似於雨宋人以其死為得天

祐而來告故書

○雨于付反註及傳同螽音終隋徒大反傳註同祐音又

冬公如晉十有二月己巳公及晉侯盟

晉陽處父帥師伐楚以救江

傳三年春莊叔會諸侯之師伐沈以其服於楚也沈

潰凡民逃其上曰潰在上曰逃潰眾散流移若積

水之潰自壞之象也國君輕走羣臣不知其謀與匹

夫逃竄無異是以在眾曰潰在上曰逃各以類言之

喜

火

○輕如字又遣凡民至曰逃。正義曰：公羊傳曰：政反竄七亂反。
 釋例曰：衆係於城，係於德言上能以德附衆以功。庇下民信其德，恃其固，故能交相依懷，以衛社稷。苟無固志，盈城之衆一朝而散，如積水之敗，故曰潰。潰者衆散，流遁之辭也。國君而逃，師棄盟，違其典儀，棄其車服，羣臣不知其謀，社稷不保其安。此與匹夫逃竄無異，是以在衆爲潰，在君爲逃。以別上下之名，無取於別國邑也。賈穎以爲舉國曰潰，一邑曰叛。按左氏無此義也。傳曰：陳侯如楚，慶氏以陳叛，此則舉國不必言潰也。叛者舉城而屬他，非民潰之謂也。是解潰逃之義也。僖五年首止之盟，鄭伯逃歸，襄七年鄆之會，陳侯逃歸，皆書於經。十年傳：厥貉之會，麋子逃歸，不書者，於時楚會諸侯，魯不與，楚不告，故不書也。襄十六年，溴梁之會，傳稱高厚逃歸，不書於經者，釋例云：例之潰逃，指爲一國一軍一邑君民相須爲用，變文以別之也。鄭詹見囚於齊，自齊逃來，此爲逸囚，無下可逃。春秋指事而書，所謂民逃非在上之逃也。

而賈氏復申以入例亦不安也。如例所言高厚之逃，縱有師衆止同逸囚之限，非是逃例。然鄭詹書而高厚不書者，鄭詹爲逃來向魯，故書高厚不別赴，故不書。○衛侯如陳拜晉成也。

二年陳侯爲衛請成于晉。
○爲于反。
○夏四月乙亥，王子虎與僖公

王叔文公卒，來赴弔如同盟禮也。
 同盟於翟泉，文公是同盟之子，故赴以名。傳因王子虎異於諸侯，王叔又未與文公盟，故於此顯示體例也。經書五月，又不書日，從赴也。

正義曰：隱七年傳例曰：凡諸侯同盟，於是稱名，故薨則赴以名者，指謂同盟之二君耳。不言與其父盟，得以名赴其子，但同盟稱名，則兩君相知，君既知之，則國內皆知，故彼父雖卒，得以名赴其子。此理雖爾，凡例未明，王子虎與

備一作徧

枝

德同盟文公是其同盟之子今乃以名赴文是其於禮合赴此類多矣傳因王子虎天子之臣異於諸侯王叔又未與文公同盟故於此顯示體例則其餘從可知也 ○秦伯伐晉濟河焚

舟示必死也取王官及郊王官郊晉地晉人不

出遂自茅津濟封穀尸而還茅津在河東大陽縣

西封埋藏之 ○大遂霸西戎用孟明也君子是以知

秦穆公之為君也舉人之周也周備也不偏以一

惡棄其善與人之壹也壹無貳心孟明之臣也其

不解也能懼患也子桑之忠也其知人也能舉善也

子桑公孫封舉孟明者 ○解佳買詩曰于以采蘋

為文

于沼于沚于以用之公侯之事秦穆有焉詩國風

言沼沚之繁至薄猶采以共公侯以喻秦穆不遺小

善○繁音煩沼之紹反沚音止共音恭夙夜匪解以事一人孟明有焉

詩大雅美仲山甫也一人天子也詒厥孫謀以燕

翼子子桑有焉詒遺也燕安也翼成也詩大雅美

武王能遺其子孫善謀以安成子孫言子桑有善舉

之謀○詒以之反遺雅季反釋詁云燕之為安常訓也翼者

贊成之義故有成也詩大雅文王有聲○秋雨螽子

宋隊而死也螽飛至宋隊地而死若雨 ○隊直

下

楚師圍江。晉先僕伐楚以救江。晉救江在雨螽下。

故使圍江之經隨在雨螽下。義曰先僕救江經無其事但實在雨螽之後不進救江於前而退。

以江故告于周。欲假天子之威以伐楚。王叔桓公

晉陽處父伐楚以救江。桓公周卿士王叔文公之

子桓公不書示威名不親伐。義曰桓公至親伐。正

何王之字字叔遂以叔為氏桓公是其子王叔陳生

是其後也衛有公叔文子此人蓋以王叔為氏也

門于方城。遇息公子朱而還。子朱楚大夫伐江之

帥也。聞晉師起而江兵解。故晉亦還。帥所類反解音蟹又佳買反

○晉人懼其無禮於公也。請改盟。改二年處父之

盟。公如晉。及晉侯盟。晉侯饗公。賦菁菁者莪。菁菁

者莪。詩小雅。取其既見君子樂且有儀。菁子丁反莪五多反樂

音洛下文何樂莊叔以公降拜。謝其以公比君子

也。曰小國受命於大國。敢不慎儀。君貺之以大禮。何

樂如之。抑小國之樂。大國之惠也。晉侯降辭。降階

辭讓公。登成拜。俱還上成拜禮。上時掌反又如字。還上

成拜禮。正義曰燕禮賓降階再拜稽首。公命小臣

辭賓升成拜。鄭玄云升成拜復再拜稽首也。先時君

辭之於禮若未成。然此莊叔以公降拜。晉侯辭之。公

禮未成。故更登成拜。是賓主俱還上成拜禮也。

宋 火 充 卷之八 二十五 及古 蜀

賦嘉樂國嘉樂詩大雅義取其顯顯令德宜民宜人

受祿于天○嘉戶嫁反樂如字註同

經四年春公至自晉國無傳

夏逆婦姜于齊國稱婦有姑之辭國逆婦姜于齊○正義曰桓三年齊侯

送姜氏于謹註云已去齊國故不言女未至於魯故不稱夫人然則往逆當稱逆女入國當稱夫人此時逆則卿不行入復不告至其禮輕略異於常文徒以有姑故稱婦以齊女則稱姜直云逆婦姜于齊上賤也

狄侵齊國無傳

秋楚人滅江國滅例在文十五年國滅例在十五年○正義曰案莊十

年齊師滅譚註云滅例在文十五年滅弦滅黃滅麇皆不註獨更於此言者沈氏云滅譚為入春秋之初故須指其例弦黃麇等傳皆載其見滅所由今滅江傳無事跡恐異於餘滅故更引滅例云在十五年

晉侯伐秦

衛侯使甯俞來聘○俞羊朱反

冬十有一月壬寅夫人風氏薨國僖公母風姓也赴同

祔姑故稱夫人○附音附言此者以成風本是莊公之

妾嫌其不成夫人故明之也釋例曰凡妾子為君其母猶為夫人雖先君不命其母母以子貴其適夫人薨則尊得加於臣子內外之禮皆如夫人矣故妣氏之喪貴以小君不成成風之喪王使會葬傳曰禮也是言適夫人既死妾母於法得成夫人也

責

傳四年春晉人歸孔達于衛以為衛之良也故免之

二年衛執孔達以說晉○夏衛侯如晉拜**謝歸**

孔達曹伯如晉會正**會受貢賦之政也傳言襄公**

能繼文之業而諸侯服從○**逆婦姜于齊卿不行非**

禮也**禮諸侯有故則使卿逆君子是以知出姜之**

不允於魯也**允信也始來不見尊貴故終不為國**

人所敬信也文公薨而見出故曰出姜曰貴聘而賤

逆之**公子遂納幣是貴聘也君而卑之立而廢之**

君小君也不以夫人禮迎是卑廢之棄信而壞其

主在國必亂在家必亡**主內主也音怪不允宜哉**

詩曰畏天之威于時係之敬主之謂也**詩頌言畏**

天威於是係福祿○秋晉侯伐秦圍祁新城以報王

官之役**祁新城秦邑也王官役在前年反一音元**

○楚人滅江秦伯為之降服出次不舉過數**降服**

素服也出次辟正寢不舉去盛饌鄰國之禮有數今

秦伯過之為于偽反下文註為賦為**過之**○正

義曰僖三十三年傳曰秦伯素服郊次意與此同知

此降服為素服也出次出於宮而別次舍故云辟正

寢也殺牲盛饌曰舉知不舉去盛饌也鄰國之禮有

數不知其數幾何以言過數知其必有數耳哀十年

之

春秋

卷之八

大夫諫公曰同

傳稱齊人弑悼公赴于師吳子三日大夫諫公曰同

盟滅雖不能救敢不矜乎吾自懼也秦江同盟不

告故不書矜居君子曰詩云惟彼二國其政不獲

惟此四國爰究爰度其秦穆之謂矣詩大雅言夏

商之君政不得人心故四方諸侯皆懼而謀度其政

事也言秦穆亦能感江之滅懼而息政爰於也究度

皆謀也○究音救度君子至謂矣○正義曰徧檢

傳文本自畧也詩意言維彼夏商二國其政不得民

心致使國家喪滅維此四方之國見其亡滅於是自

○衛甯

武子來聘公與之宴為賦湛露及彤弓非禮之常

公特命樂人以示意故言為賦湛露彤弓詩小雅○

直減反形非禮至小雅正義曰諸自賦詩以

徒冬反表已志者斷章以取義意不限詩之尊

卑若使工人作樂則有常禮穆叔所云肆夏樊遏渠

也燕禮者諸侯燕其羣臣及燕聘問之賓禮也歌鹿

鳴四牡皇皇者華如彼所云益尊卑之常禮也自賦

者或全取一篇或止歌一章未有頓賦兩篇者也其

使工人歌樂各以三篇為斷此其所以異也此時武

子來聘魯公燕之於法當賦鹿鳴之三今賦湛露彤

弓非是禮之常法傳特云為賦知公特命樂人歌此

二篇以示意也此二篇天子燕諸侯之詩公非天子

賓非諸侯不知歌此欲示何意蓋以武子有令名歌

此疑是試之耳不辭又不答賦使行人私焉私問之對曰

春秋

卷之八

大夫諫公曰同

臣以為肄業及之也

肄習也魯人失所賦甯武子

佯不知此其愚不可及

肄字又作肆以二反註同佯音陽一音祥

習至可及○正義曰說文肆訓為陳字從長聿聲肆訓為習字從聿彡聲古書經傳所作字皆同耳臣以為工人自習詩業以及此篇非謂歌之以為已也魯人失於所賦辭則章主之失答則已當其寵故不辭又不答佯若不知其所為如愚人然論語云甯武子其知可及其愚不可及此亦是愚之一事也按燕禮無答賦之法而怪其不答賦**魯**諸侯朝正於王朝者非常之賦宜有對答故也

而受政教也王宴樂之於是乎賦湛露則天子當陽

用命也湛露曰湛湛露斯匪陽不晞諸侯

見日而乾猶諸侯稟天子命而行

侯敵王所愾而獻其功

反**愾**諸侯至其功○正義曰敵者相當之言愾是恨怒之意當王所怒謂往征伐之勝而獻其功也

賜有功諸侯也王於是乎賜之彤弓一彤矢百

旅弓以覺報宴

之弓矢又為歌彤弓以明報功宴樂

明至宴樂○正義曰覺者悟知之意故為明也使諸侯明已心也莊三十一年傳曰諸侯有四夷之功則

功則賜之以弓矢又歌此彤弓之詩以明天子之心

知是報功宴樂也詩言一朝饗之則是為設饗禮此云宴者明其為宴樂耳非言設宴禮也

來

臣來繼舊好

方論天子之樂故自稱陪臣○好呼報反

君辱貺之其敢干大禮以自取戾

貺賜也干犯也

戾罪也○貺音況戾力計反

○冬成風薨

為明年王使舍贈

傳

[Faint bleed-through text from the reverse side of the page]

